

# CHANSON

VAR SUJET

AR C'HISIOU NEVE

Var ton : *Cete me éru, va mig*

BREMA, pa meus eun tam amzer,  
Pluen ha liou, eun tam paper,  
Me gompozo hirie an de  
Var sujet ar C'hiziou neve.

Nep na gompreñ netra abet  
Vo, marteze, eun tam chojet;  
Nep n'eus sqient ha talantchou,  
O clèvet anê a c'hoarzo.

N'en devo den lec'h da facha,  
Diouzomp oll e cozeàñ;  
Pepini'n devo e voqet :  
Grit attantion, me ho ped.

Ar bed a zo sclérijennet,  
Ar sperejou zo digoret;  
En amzer gôs meus remerqet  
An dud voa muioc'h guenaouec.



En amzer gôs meus remerget  
 Pa vije da vont d'eur banquet,  
 Qercoulz ar vam evel an tad,  
 A yê d'ar banquet var o zroad.

Ha beza dêze qezeg mad',  
 Voa güell gante mont var o zroad,  
 Gant aoun na vije lavaret :  
 Ar re-mâ zo n'em distinguet.

Red eo beza disqientet,  
 Qemer poan vid espern<sup>n</sup> qezeg !  
 An dud zo bremâ muioc'h fur,  
 A guemer o oll plijadur.

Bremâ, pa vent er marc'hajou,  
 E ve gante parapluiou ;  
 Ze a espern o dillat brao,  
 Neus fors peguer bras ve ar glao.

Bremâ c'houi rânco consanti  
 Eo presant spéret pep-hini :  
 Gouechal evel liboudennou  
 E voa an dud er marc'hajou.

Bremâ zo eun economi,  
 A ra plijadur en peb ty :  
 Charabanniou o deveus grêt,  
 A espern dê calz ar c'hezeg.

Gant eul loën seul e ve treinet  
 D'ar marc'hat an dud hac an hed ;  
 Deus ar glao e maint en abri,  
 O marc'hadourez coulz hac hi.

Amzer zo bet, eur melinaer  
 En devoa pemp a guezeg caer;  
 Gant unan seul e ra bremàn,  
 Dre m'en deveus eur charabàn.

Ze ra deàn economi,  
 Ar profit a chom en e dy;  
 Arc'hant ha boued a chom gantàn :  
 Va bennos gant ar charabàn.

Goechal ar mignon p'errue  
 Ebars en ho ty da vale,  
 Mac'h erruje en eur c'hoeza,  
 En a gavje læz da eva.

Bremâ n'eo qet evel goechal  
 Grêt e ve dê antren er zal;  
 Ar güin côs hac al liqouriou  
 A ve servichet d'an autrou.

Bremâ, gant o habillamant,  
 N'em distingont p'o deve c'hoant :  
 Ober ze na ellont qet ès;  
 Bisqa reont rac an dud qès.

Eun domestiq a ve güelet  
 Qer brao bac e vestr accoutret :  
 Petra zo caus a guementse ?  
 O gobr ve en avanç gante.

Ar merc'het yaouanq a la fin  
 A zo bet eun tam muioc'h fin :  
 Dre eur c'his ridicul meurbet  
 Iut a zo en em distinguet.

E guis lapousset int güisqet;  
 Diouesquel o deus, me a gred :  
 Gigoyou a ve giêd anê ;  
 Eur vez ê güelet aneze.

Ar zervicherez a gommanç  
 Caout iveau eun tam decoranç ;  
 Eur paraplu a ve ganti ,  
 Qer fier evel pepini.

Goechal e voa n'eur vouiadon  
 Nevfoa peb matez e steuen :  
 Ennes a voa e zoalletten ,  
 Ia en amzer ancien.

Ha bremâ merc'h eur c'hlaser boed  
 A zoug voulous , franch , colinet.  
 Eur chal , eur c'hoef dantelezet ,  
 Ar c'haera ve possub cavet.

Eur plac'h yaouanç , amzer zo bet ,  
 Ne gasse gourc'liemen abet ,  
 Güella m'elle' patiente ,  
 Qen a yê eur potr e bete.

Collet ê privilachi an toc ;  
 Ar plac'h a ya bremâ aroc ;  
 Cass a ra e gourc'hennou ;  
 Pa vel ne deu den var e zro.

Brao e zeo bea potr bremân ,  
 Rac na vanç mann ebet deàn :  
 Ar merc'hed yaouanç a ro dê  
 Peadra esit o disfê.

Demeus a guær eur potr yaouang,  
 Mar car bea sur ha prudant,  
 A rai eur fortun yad, mar car  
 Monet var ar mèz da glasq par.

Bete m'en devo da vale,  
 Eur montr gantân eus e goste,  
 Cetu-én bremâneun autrou  
 D'ar re a zo bras o guenou.

Goechal e voa ar vêleyen,  
 An noblañç, an dud a bluen  
 A zougue montr en peb tachen,  
 Ia en amzer ancien.

Bremâ, bête gant meveillen,  
 Potret-saout ha qemenerrien,  
 E veler pe montr, pe chaden,  
 Collet eo ar c'hiz ancien.

Ar bla qenta ma temeont  
 E ve ret dè goerza o moutr  
 Evit cabut o nécessite :  
 Et ar vanite a goste.

Daou pe dri blavez goude ze  
 Cetu dè carg a vugale ;  
 An dillat caer a ve goerzet  
 Evit caout d'o bugale boued.

Bremâ gant eur porpant lier  
 En em gav goal faro au den ;  
 Eur c'hos bragou a ve gantâ,  
 Kosten e rochet o treina.

Ar vreg yaouanq e deus ive  
 Eur gos cotillonen bemde,  
 Hac bi quer lous hac ar pec'het;  
 An diaoul en dour e deus güelet.

Amzer zo bet eur plac'h yaouanq  
 A chomme pelt ha sur ha coant;  
 A chomme pell ha sur ha coant,  
 Rac n'eve qet a vouin-ardant.

Bremâ n'en deo qet er guis-se :  
 Ret e zeo heuill ar c'his nêve;  
 E fansion a ya ganti  
 Qer latous evel peb hini.

Ar scoden, pa ve achuet,  
 E fenn a ve batorellet,  
 Ha pa ya evit mont d'ar guêr,  
 E coll betec e davancher.

Eur potr yaouanq a ya ganti  
 D'e c'hundai betec e zy,  
 Hac hi leun a zour hac a fane :  
 Pebes enor d'ar potr yaouanq!

Goechal an hostaleriou,  
 Dreist oll epad an offiou,  
 A vije serret mat an nor :  
 Bremâ e maint dre oll digor.

Bremâ, en nos evel en de,  
 C'houi a zo erru mad gante,  
 Qen a vo hoc'h arc'hant lippet;  
 Goude ermès e viot tolet.

**A**r c'his zo bremâ evelse;

**C**aer e zeus prezeg dêc'h var ze,  
Ne deufac'h qet furroc'h a ze :  
Ret eo dêc'h heuill ar c'his neve.

**V**a speret a zo trubuillet;  
Eun dra am boa c'hoas da laret;  
Fachiri a vo, marteze,  
Goude clêvet ar virione.

**A**mzer zo bet voa an enor  
Hac ar merit rê an decor;  
Bremâ na zeller qet ouz se :  
Antreit en ty, m'oc'h eus leve.

**B**remâ eo ar binvidiguez  
**A** ve preferet alies  
D'an honestis ha d'ar furnez,  
Ha mar doc'h paour, chommit ermès.

**B**remâ e zeus eur c'his neve  
Da elevi ar vugale;  
Vit o güelet oc'h ober fall,  
Arabad eo dont d'o zamal.

**P**a reont eur mechancete,  
O zud a c'hoarz o velet se;  
**A**r buguel a guemer e gre,  
Hac a ra falloc'h goude ze.

**H**a pa vezò erru en oad  
Da c'honit eun draic benac,  
**M**ar fell d'e dud blam aneàñ,  
**R** vo ar rëson vad gantàn.

**Mar lar e dud deàn bremâ**

**O zicour eun tam da veva,**

**D'e dad, d'e vam' vo respontet :**

**Ma n'oc'h qet contaut, baleet.**

**Pa vent en eur pardon benac,**

**Ma velont o main pe o zad,**

**Mar deont evit comz gante,**

**O deus mez o velet anê.**

**Mar goul unan benac oute :**

**Ha c'houi hanavez an dud se?**

**E laront d'o c'hoimpagnunez :**

**N'anaveàn qet ar paour qèz.**

**Cetu aze an disprisanç**

**Hac a ra da Zoue offanç,**

**Dianzav têdou ha mamon**

**Neus bet gante calz a boanniou.**

## FIN.

